
ВИЛОЯТ ТИББИЁТ ТИЗИМИНИ РИВОЖЛАНТИРИШДА ГЕРМАНИЯНИНГ МАНГЕЙМ УНИВЕРСИТЕТИ КЛИНИКАСИ ҲАМДА “OPASCA” КОМПАНИЯСИ БИЛАН ҲАМКОРЛИК ҚИЛИНАДИ

Вилоят ҳокими Хайрулло Бозоров Германиянинг Мангейм университети клиникаси раҳбари Фредди Бергманн, клиника молиявий директори Зое Моргенштерн ҳамда “OPASCA GmbH” компанияси бош директори Алексей Свердловни қабул қилди.

Учрашувда вилоят тиббиёт тизимини ривожлантиришда Германиянинг илғор тажрибасини жорий қилиш, вилоят соғлиқни сақлаш тизимини рақамлаштириш, мавжуд беморлар ва касалликларни ягона мониторинг базасини яратиш, фарғоналийк шифокорларнинг Германияда малака ошириш ва тажриба алмашинишларини йўлга қўйиш, Фарғона жамоат саломатлиги тиббиёт институти ҳамда Мангейм университети ўртасида кўп томонлама ҳамкорлик ўрнатиш масалалари муҳокама қилинди.

Германия тиббиёт соҳаси вакилларининг ташрифи вилоят ҳокими бошчилигидаги Фарғона делегациясининг жорий йил июль ойида Германияга сафари давомида Мангейм университети клиникасида эришилган келишувларнинг давоми бўлди.

Учрашув давомида Фарғона вилояти ҳокимлиги, Фарғона жамоат саломатлиги тиббиёт институти, Мангейм университети клиникаси, “OPASCA GmbH” компанияси ўртасида халқаро ҳамкорлик бўйича келишув имзоланди.

Ушбу келишув доирасида дастлабки босқичда вилоятимиз шифокорлари, жамоат саломатлиги тиббиёт институти талабалари ҳамда ўқитувчилари учун Мангейм университети клиникасида тажриба алмашинув дастурлари ташкил этилиши, германиялик мутахассисларнинг вилоятимизга ўқув машғулотлари ўтказишлари белгилаб олинди. Ҳамкорликда илмий анжуманлар ҳамда тиббий тадқиқотлар ўтказиш ҳам йўлга қўйилади. Келгусида вилоятимизда қўшма таълим дастурлари асосида Мангейм университетининг тиббиёт факультетини ташкил этиш, “OPASCA GmbH” компанияси билан ҳамкорликда тиббиёт соҳасида инвестицион лойиҳаларни амалга ошириш каби масалаларда ҳам ҳамкорлик қилинадиган бўлди.

Фарғонада Мангейм университети клиникаси томонидан 11 миллионга яқин аҳоли истиқомат қиладиган Фарғона водийси вилоятлари, шунингдек, қўшни давлатлар чегарадош ҳудудлари аҳолиси учун хизмат кўрсатувчи йирик замонавий тиббий клиника барпо этиш масаласида ҳам ҳамфирлилилкка борилди.

Жорий йил ноябрь ойида Фарғона жамоат саломатлиги тиббиёт институти делегациясининг Мангейм университетига ҳамда клиникасига амалий ташрифи борасида келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-10-07 19:53:11